

律
疏
補
書

韓魏公集

通鑑地理通釋卷之十三

晉宋齊梁陳形勢攷

東南地非褊也兵非弱也有人焉進取而有餘無人焉自保而不足詩曰無競維人作晉宋齊梁陳形勢攷

晉重鎮

通典元帝命祖逖鎮雍丘以合肥淮陰壽陽泗口角城爲重鎮成帝時鄴守將退屯襄陽穆帝時平

蜀漢復梁益之地又遣軍西入關至灊上再北伐
一至洛陽一至枋頭其後以彭城爲北境藩扞每
因劉石苻姚衰亂之際則進兵屯戍在於漢中襄
陽彭城大抵上明江陵夏口武昌合肥壽陽淮陰
常爲晉氏鎮守

雍丘

晉屬陳留

古雍國
杞國

今屬開封府郡縣志故城北

臨汴河祖逖爲豫州刺史治於此

合肥

壽陽

襄陽

見前

戴若思鎮合肥祖約謝尚鎮壽陽庾翼朱敘鎮

襄陽通典壽春郡西十五里卽謝玄破苻融之

處

胡氏曰六朝增重上流庾亮欲經略中原則先分戍漢沔宋太祖欲伐魏則先廣襄陽資

力故晉何充謂荆楚國之西門

馬頭城

通典晉永和中謝尚鎮馬頭城卽壽州盛唐縣

北

郡縣志縣北二十里今安豐軍六安縣輿地廣記在六和縣北宋志馬頭太守屬南豫州

故淮南當塗縣地晉
安帝立因山形立名

淮陰

祖逖屯淮陰通典劉隗鎮守今楚州縣南齊志
永和中荀羨云淮陰舊鎮地形都要水陸交通
易以觀豐沃野有開殖之利方舟運漕無他屯
阻乃營立城池寰宇記故淮陰縣城在山陽縣本朝陳敏曰楚
州爲南北襟喉長淮二千餘里河道通北方者
五淮汴渦潁蔡是也其通南方以入江者唯楚

州運河一處周世宗自北神堰鑿老鸛河通戰

艦入大江而唐遂失淮南之地徐宗偃曰山陽

南北必爭之地我得之可以控制山東

清河戶
去州五

十里紹興初韓
世忠屯重兵

石鼈

通典石鼈城在楚州寶應縣西八十里魏鄧艾

築以營田晉荀羨鎮下邳屯田於東陽之石鼈

北齊蘇珍芝又議修石鼈等屯

泗口

通典泗州宿遷縣

郡縣志淮水入縣境南與楚州山陽縣分中流爲界晉

大寧中兗州刺史劉遐自彭城退屯泗口卽此

褚裒伐趙直指泗口徑赴彭城殷浩進屯泗口謝玄救彭城軍于泗口水經淮水

東北至下邳淮陰縣西泗水從西北來流注之

注淮泗之會卽角城也左右兩川翼夾二水決

入之所謂泗口也

泗水又東南得雖水口泗水又逕宿預城之西梁將張惠

紹北入水軍所次今城在泗水之中輿地廣記宿遷縣秦下相縣地晉元帝督運軍儲以爲邸

閣因置宿豫縣唐改宿遷宋朝太平興國七年
屬淮陽軍胡文定公曰欲固下流必守淮泗
漢條侯擊吳楚鄧都尉曰使輕兵絕淮泗口塞
吳饗道條侯從其策泗水出襲慶府泗水縣
至宿遷縣入淮濱繁露曰泗卽今謂南清河也
禹貢廣記曰今盱眙軍相對卽泗口也自清河
口而上者呂梁自渦口而上者蔡河
者譙梁自潁口而上者蔡河

角城

水經注泗水又東逕角城北濟水與泗水東南
流至角城同入淮通典安帝義熙中置城在宿

遷縣東南

寰宇記在淮陽軍宿遷縣東南一百十里

臨泗水南近淮

水自後常爲重鎮輿地廣記泗州盱眙縣晉安
帝時置角城鎮在淮泗之會後魏高閭曰角城
處在淮北去淮陽十八里五固之役攻圍歷時
卒不能克宋志淮陽角城縣晉義熙中立齊明
帝初
後魏南侵以
李安仁戍之

鄧

晉志武帝改南陽爲順陽郡治鄧縣故城在光
化軍乾德縣東北水經注鄧縣故城南臨沔水

謂之鄴頭

漢封蕭何爲侯國

彭城

徐州晉爲彭城國通典晉立徐州爲重鎮朱序

鎮守宋王玄謨曰彭城南屈大淮左右清汴

魏詳

虎子曰徐州清汴通流

表裏京甸捍接邊境城隍峻整襟

衛周固又自淮以西襄陽以北經塗三千達于

濟岱六州之人三十萬戶常得安全實由此鎮

輿地志郡城險固非攻所能拔郡縣志宋高祖

經略中原置府於此自隋氏鑿汴以來南控埭橋以扼汴路故其鎮尤重宋志徐州刺史後漢

治郟縣魏晉宋治彭城元魏尉元曰彭城宋之

要藩宋薛安都舉城降魏薛虎子曰欲取江東

先須積穀彭城

蘇氏曰魏太武以三十萬衆攻彭城不能下而王智興以卒伍

庸材恣睢於徐朝廷亦不能討豈非其地形便利人卒勇悍故耶後山陳氏曰南守則略河南

山東北守則瞰淮江故於兵甲爲守攻之地項氏常都臨制四方宋武常守并護南北林氏曰

晉悼公始圍彭城繼

城虎牢識天下之勢

沌口

水經注沌口上承新陽縣之太白湖東南流爲

沌水逕縣南注于江謂之沌口

竟陵郡新陽縣分雲杜立

晉

永嘉六年陶侃爲荊州鎮此明年徙林鄣沔水

又東逕沌陽縣北又東逕林鄣故城北陶侃鎮

此郡縣志晉於臨嶂山置沌陽縣

江夏郡自上昶城移治

今漢陽軍漢陽縣有沌水

通典音屯又音篆

東晉置沌

陽縣處沌水之陽

漢陽縣有沌口港沌口鎮王澄棄荊州別駕鄣舒不肯從

澄東下乃留屯沌口陶侃爲荊州刺史鎮沌口
又移入沔江陳侯安都討王琳至沌口後梁華
皎與吳明徹戰於沌口皆此地臨嶂山在漢陽
縣西六十里陸務觀曰江陵之建寧鎮蓋沌口
也

上明

郡縣志上明故城亦謂桓城在江陵府松滋縣
西一里居上明之地而桓沖所築故兼二名苻
堅南侵沖爲荊州刺史渡江南上明築城以禦
之上明在縣東三十步明猶渠也晉末朱齡石

開三明引江水以灌稻田後隄壞遂廢水經江
水東逕上明城北注云晉太元中苻堅寇荊州
桓沖徙渡江南使劉波築之移州治城其地夷
敞北據大江晉志元帝渡江後以河東人南寓
者於漢武陵郡孱陵縣界上明地僑立河東郡
桓沖傳上疏曰自中興以來荊州所鎮隨宜迴
轉今宜全重江南輕戍江北於是移鎮上明

江陵 夏口 武昌

見前

石城

羊祜傳吳石城守去襄陽七百餘里祜以詭計
令吳罷守祜以孟獻營虎牢而鄭人懼晏弱城
東陽而萊子服乃進據險要開建五城取膏腴
之地石城以西盡爲晉有郡縣志郢州長壽縣
城本古之石城背山臨漢水吳於此置牙門戍
城羊祜鎮荊州亦置戍焉卽今州治是也

郢州
西北

至襄州三百十里 水經注沔水南逕石城西城因山爲

固晉羊祜鎮荊州立元康元年分江夏西部置
竟陵郡治此庾亮欲移鎮石城爲滅賊之漸蔡
謨議曰沔水之險不及大江非廟勝之算亮不
果移鎮終晉之世卒於宴安江沱而不能混一中原郢州子城三面
墉基皆天造正西絕壁下臨漢江石城之名本

此

灞上